

240.119

41

1-25

道咸兵事

道光兵事目錄

葛壯節家書題後

葛雲飛將軍妾

定海再陷

裕謙誤浙

葛壯節緝海盜之神算

戰城南

咄咄吟二十絕句

裕靖節公殉難

裕靖節為余步軍所陷

葛將軍

葛壯節家書題後

吳江柳樹芳

柳樹芳

公名雲飛山陰武進士任定海總兵丁憂道光庚子軍興起用
辛丑夷人繳還定海以公復鎮八月戰死此書在定海與其妹
壻朱世祿畧云夷禍未發之前文武大吏漠不關心失事之後
倉皇無措遷延日久羣議譏起或圖便私或矜意氣既無切中
竅要之論亦無公忠體國之心余受事後屢言犬羊之性非大
加懲創無以善後將勦辦機宜余陳當事諸公咸以為難自後
局勢屢變忽勦忽撫總無定見現雖收復而善後事更無把握
余一人武人、仰荷 聖明起用惟不避艱危務盡我心而已

竹山門頭月光苦窮海精魂夜深語國之大事在旅師當時心肝
奉吾主可憐恬嬉相媚嫵築室於道聚羣瞽舉棋不定勦忽撫陳
十八策一莫取武人惟有勇可賈毀家助軍貸子母堅我戈船利
我斧越八月來望舳艫白者了烏黑者奴鴟張蟻附爭睚眦茫茫
天海一島孤戰六日夜援兵無臣力竭矣心不枯死人如蔴如葦
蘆有墨其經厥狀殊平生言之今不渝曰惟見危捐以軀謂予不

紹興縣志採訪稿

信視此書

以上見國朝詩鐸卷二十錢唐張應昌仲甫選輯徐榮

葛雲飛將軍妾

道光辛丑英師寇浙定海山陰葛將軍雲飛率師拒之力戰三晝
夜援軍不至遂戰死於東嶽宮將軍有妾容止閑雅而富有胆略
聞將軍死耗集他侍妾輩及殘卒數百人乘夜入英壘奪將軍屍
歸葬之故里人以比明季之沈雲英汪夫生孝廉為製葛將軍妾
歌云舟山潮與東溟接戰血模糊留雉堞廢壘猶傳諸葛營行人
尚說張妣妾其道名姝趙國生苧羅村畔早知名自從嫁得浮雲
壻到冢相傳隨却月營清油幕底紅燈下緩帶輕裘人雋雅月明
細柳喜論兵日暖長歌看走馬一朝開府海門東歌舞聲傳畫角
中不聞孤軍懸渤海但思長劍倚蠻峒新聲休唱丁都護金盒牙
旗多內助虎帷方吹少女風鯨波忽起蚩尤霧一軍如雪陣雲高

紹興縣志採訪稿

獨罄先門入怒濤誰使孝侯空按劍可憐先弼竟抽刀淒涼東嶽
宮前路消息傳來淚如注三千鐵甲盡蒼黃十二金釵齊縞素繡
旗素娥雪紛紛報主從來豈顧勛已誓此身拼一死頑教作氣動
三軍馬蹄涔盡胭脂血戰苦綠沉槍欲折歸元先軫面如生殺賊
龐娥心似鐵一從巾幗戰場行雌霓翻成貫日明不負將軍能報
國居然女子也知兵歸來腸斷軍門柳岸鎗龍旗亦何有不作孤
城李阮妻尚留遺恨韓家婦還鄉著取舊時裳粉黛弓刀盡可傷
風雨曹娥江上住夜深還夢舊沙堤換將軍謚壯節妾亦山陰人
惜其姓氏已不可考矣

以上見小橫香閣主人所輯清朝野史大觀卷八

定海再陷

英吉利既定廣東之議餽夷銀帛無所出使洋商伍怡和貸金豆之夷人索廈門寧波上海益堅治粵者了粵事不暇卹他省秋八月英夷再至廈門陷之其赴浙甯曰郭僕僕義子曰陳祿浙人也深悉沿海地理導之深入方是時總兵葛公雲飛王公錫朋鄭公國鴻守定海而大帥統重兵駐鎮海城夷攻定海之竹山門三鎮且戰且守飛書請兵大帥不應戒死守毋望援於是三鎮合兵四千當夷人二萬餘死傷旣多繼以敗潰錫朋憤甚獨揮短刀陷陣所親卒及身自盪殺數十百人力竭被刺死國鴻別領一隊衝入夷兵中縱橫盪決當者披靡會夷兵大至圍之數重竟以中銳亡於陣而葛公雲飛死尤烈雲飛駐守南路土城手擲四千觔礮擊

紹興縣志採訪稿

夷復碎帥部卒持械步鬪夷酋安突得執大綠旗麾兵進公罵曰逆賊終污吾刃斬之刀折急拔所佩劍仰登竹門山賊飛刀劈公面去其右半血淋漓徑登賊駭迸聞忽有礮擊公洞胸如盤而沒安得突者被擒於浙軍夷人歸我定海請釋還國者也先是天雨決旬公青布怕首麻袍著鉄齒鞋日拊循士卒淫潦中屢戰却敵行營有藥桶二公密納火線其中而朱書封面曰餉銀賊至取之盡焚死義勇徐保者夜跡公斃走竹山門雨霽月微明見公半面立崖石下兩手握刀不釋左目猶眈眈如生欲負之行不能起跪而祝曰盍歸見太夫人乎遂乘夜浮舟內渡三鎮旣坐兵少同日殉難夷人乘勝陷鎮海諸帥或移節他所獨欽使裕謙公投泗洋死初廣東謠言公得虜必剝其皮公曰虜謂我不能爾耶遂擒兩

夷目剝其皮以故夷人怨公次骨以十萬金購公屍甚急千總馬
瑞鵬泅水出公載以小舟送至省垣歛之方事之殷公林在浙奉
命削職戍伊犁論者追咎公督兩粵繳煙激變政也南中諸君子
有續鍰之請公致函婉謝怡然而行鉢池山農曰三鎮之殉行略
謂請兵大帥不應而裕公幕客陳特謂海風大作文報斷絕所致
傳聞異時辭然所繫於大帥者是非得失相遠矣

以上見小橫香閣主人所輯清朝野史大觀卷四

裕謙誤浙

敵入廈門不守而退即全隊駛赴浙江將寇定海守將總兵葛雲飛者久歷戎行夙稱健將初以增城列礮兩大策上書於裕謙不果行廈門之敗耗聞再上書言增礮備船事又不果行及英艦二十九艘抵東港浦清兵僅四千耳飛書至大營告急請速濟師裕謙諭之曰爾毋望救兵至矣但死守弗與戰可耳定海孤懸海中何險可守即以全省之兵力保護之尚不免有不測之禍裕謙此諭可謂奇絕矣定海失守鎮海甯波繼之萬雲飛戰死王錫朋鄭國鴻繼之三總兵同而知韋逢甲等又殉戰於乍浦乍浦之戰清兵發礮十不中一敵人僅以一艦迫碎礮臺蒼死礮攻活艦已犯兵家之忌況清兵臨敵怕死已甚安得不見敗於臨敵敢死之英

紹興縣志採訪稿

人然浙東之戰事方急而江蘇又為敵兵侵略之所及

以上見小橫香閣主人所輯清朝野史大觀卷四

、葛壯節緝海盜之神算

葛壯節公雲飛治浙江水師時捕盜最力以海為家某年歲除將士方休息公忽下令巡海揚帆掩旗鼓直搗某山圍其島盜方酣飲盡縛之以歸歲旦僚屬集公署歲賀聞入海捕盜皆大驚已而公至馬前繫大盜數十付有司詰問斬之而以所得財貨散士卒皆叩頭縣門歡聲雷動而去或請其故海船最細者出某山下近吾訪諸市而無之此其山必數盜故漁船不敢前異時捕之徒多苦我將士又散走難盡獲歲暮盜必聚窟中且料我必不出不設備故可掩而盡也聞者歎服又聞公恂恂如書生遇人片長稱揚不輟而往往謾罵其僚屬常曰號稱武官乃不能殺一賊國家設武官焉用此

以上見小橫香閣主人所輯清朝野史大觀卷七

戰城南

戰城南悲三鎮也八月十三日英夷攻定海督兵血戰五晝夜眾寡不敵至十七日同時陣亡三鎮壽春總兵王錫朋處州總兵鄭國鴻定海總兵葛雲飛也

戰城南復城北心報國手殺賊賊兵蟻集我兵稀飛函告提請濟師登高遠高望見旗幟謹呼謂是官軍至豈知賊兵假我衣卻從後路來圍合是日風狂復雨急火中格鬪雨中立礮聲隆隆達鎮海鎮海城中督師在援兵不來亦遑悲哉武臣安可為武臣不可為君不見海天月黑魂未歸武臣不可為而可為君不見千秋俎豆昭忠祠

以上見清長興朱紫貴楓江草堂詩集卷九

紹興縣志採訪稿

吐吟二十絕句

東南扼要兩分兵千里潛師夜斫營果有岳侯神算在何難唾手復三城

將軍因浙省兵弁自欽差裕謙死難後迭次潰逃不堪臨陣且

其中多藏漢姦尤恐語言漏洩

是時閭內防範極嚴密出入必交寸腰牌稟事不得有白必用

小牙版默書隨覽隨拭以防左右耳目蓋其初軍機固若是其慎也

故特令前襄陽知府金石

聲應州知州段洪恩游擊劉天保等赴山東河南安徽各省召

募鄉勇密令伏入寧鎮定三城而以陝甘川黔勁兵兼程進擊

之此將軍之初策也繼因道路遼遠不能兼顧遂分派泗州知

州張應雲駐曹娥江接應寧鎮二城事宜謂之南路海州知州

王用賓駐乍浦接應定海一城宜謂之東路

以上見清吳初月書寫卷五

知他鼻祖在陰曹境主何堪此劫遭更有寫門殘趾在神靈豈獨
怨紅毛

甯波城隍廟廊下塑黑白二無常狀極醜惡嘆夷見而喜曰此
我祖也何得屈居下位乃毀城隍神及鬼神判像而遷白無常
於中座遷黑無常於旁座朝夕頂禮焉寫門山下土穀祠山陰
會稽二縣常遣家丁於此辦差川兵夜過境欲索船夫及紙燭
心紅通辦差者已入城川兵不能待怒毀神像及祠門而去土
穀神他處皆稱城隍惟四明稱境主見錢大昕鄞縣志

以上見清吳縣貝青喬著咄咄吟卷一

初將軍定期除夕開兵特令張應雲為前營總理并將各路兵勇
分隊撥赴曹娥江令應雲若何暗伏若何明擊一一授以方略是
時捷音之至若可計日而待也

以上見清吳縣貝青喬著咄咄吟卷一

刺史風流繡帷開居然將々有奇才莫嫌輕借留箸請得專征節鉞來

張應雲承將軍方略駐札曹娥江為前營總理調遣各路兵勇分隊進剿而各有帶兵官班秩皆出應雲上不聽指使互相推諉將軍怒授應雲令箭一徇於軍中曰如有不遵張某節制者雖提鎮大員立與嚴參由是各武弁勉強承命而應雲之權益重矣

以上見清吳縣貝青喬著咄々吟卷二

果否鄉兵練滿營帳中書記最分明勞他寸厚軍家牒避却雷同
撰姓名

或獻策於張應雲曰此勇由他省咨來實額實餉無從影射不
如兼募浙人為南勇可浮報一二預為他日報銷地應雲然之
令紳士李維鏞林誥范上組彭瑜等領募造冊呈報將軍共計
九千餘人人數既多不及訓練并不及點驗及三月間將軍檢
知其弊急飭應雲全數裁撤而所費帑銀核算已及十餘萬兩

以上見清吳縣貝青喬著咄咄吟卷一

號令誰登上將壇運籌帷出錦心肝飽聞夜々錢清路蠟裏花箋
送一丸

將軍札飭投效人員隨同張應雲辦事者共七十餘人應雲深
恐軍機漏洩除同知舒恭受知縣葉望一二親信之人密議外
皆不得與聞而舒葉諸人又用甯波漕書陸心蘭等為心腹由
是與將軍初議日漸相反而軍機亦盡洩矣特將軍駐札紹興
應雲逐日所辦軍事夜必密函報聞應雲既為陸心蘭所結密
函中稟報之事半屬子虛而將軍據之入奏凡伏入甯波者
十七隊伏入鎮海者十一隊幾若收復二城易如反掌云聞兵
時僕實在甯波駱駝橋後在將軍幕中見密函乃云僕與鎮海
人色祖才同帶南勇五百人設伏招寶山搶奪礮臺是則僕亦

紹興縣志採訪稿

茫然矣

以上見清吳縣貝青喬著咄咄吟卷一

摸樁小隊不嫌孤認得金川黑幟無怪底軍聲宵一闕孝廉船上
獻夷俘

張應雲令舉人沈國樑募兵二百人屯會稽皋埠以聽調時金
川屯土司阿木襍帶兵甫至曹娥江命其下甲耳蚌等十人巡
哨誤入皋埠國樑說其衣服詭異言語侏僂腰牌字迹又與夷
字相類遂卒鄉兵莽捕甲耳蚌四卡松阿耳金額三人傷重投
白堖洋死餘七人縛獻張應雲營中屯兵聞其同伴之被創也
合營鼓譟幾成奇變按察司蔣文慶多方曉諭對眾杖鄉兵三
十人并下國樑於獄乃後屯兵既撤國樑得其友高廷祉何瑞
圖二舉人營救出獄餘眾亦無罪樁摸者屯兵分隊巡邏之名

以上見清吳縣貝青喬著咄咄吟卷一

部伍新成得所交免教駟僧日饒營門小肆懸高榜義取義經
第一文

曹娥江雖屬孔道而居民數百家從無大市集自各路兵勇札
營後日用所需數倍其價市僧居奇又必欲以錢交易兵勇持
銀入市被欺尤甚將軍聞之特飭支應局開設隨營錢店四標
以勝亨利勝貞勝諸名兵勇領餉銀先以店中易錢始入市
市物云四店皆在籍布政鄭祖琮管理後在曹娥江當兵敗之後為從夫槍散
以上見清吳縣貝青喬著咄咄吟卷一